



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. IV. An, & qualiter impediri possit executio, etiam trium sententiarum
conformium?

[urn:nbn:de:hbz:466:1-73001](#)

prioris possessoris, & id probaret legitimè successor; tum enim huic obesse non posset. Sed de his, V. quæ circa istud pronuntiatum diximus superius.

2. IV.

An, & qualiter impediri possit executio, etiam trium sententiarum conformium?

2660. **H**anc quæstionem in CC. Viennensi Clemens V. sic definit: ut calumniis litigantium occuratur, is qui in beneficiali, vel alia quavis causa, tres contra se in peritorio, vel possessorio, sententias reportavit, ad agendum de nullitate ipsarum, vel alicujus ex eis, nullatenus admittatur, donec hujusmodi sententia plenariè fuerint executioni mandatae. Similiter si ille, contra quem tres sententiae definitivæ latæ fuerint, ab interlocutoria, vel gravamine, ante prolationem ipsarum, vel earum aliquam, se appellasse, & causam appellationis hujusmodi adhuc pendere proponat: sententiarum praedictarum executionem, tali praetextu, nullum impediti Quæ, ad causas, qualitercumque etiam per appellationem pendentes, duximus extendenda. Pro expositione hujus textus not. quod sententiae dicuntur conformes, quando una confirmat aliam, sicuti docent Covar. tract. c. 25. n. 5. & 6. & alii quos refert Rota in una Romana pecuniarie 23. Junij 1614. coram Ubald. impressa per Farinacum decis. 647. n. 1. p. 1. recent: imò ad hoc, ut constet de conformitate trium sententiarum, non requiritur quod prima expressè confirmet secundam, & secunda tertiam; sed sufficit, quod in substantia idem contineant, sicuti docet Bald. in L. Creditor & cum sorte. n. 1. ff. de solut. & censuit Rota, decis. 98. n. 1. p. 1. recent. & quod non adsit dissimilitudines circa substantiam, vel qualitatem principalem: quo posito:

2661. Dicendum, quando contra aliquem tres sententiae conformes latæ sunt, super eodem Articulo, per ipsum condemnatum, eorum executionem non posse impediri, consequenter nec appellari, nec de illorum nullitate prius agi, donec plenè executioni data sint sicut constat ex textu ibi (donec hujusmodi sententia plenariè fue-

rint executioni mandatae) quod verum est in causis etiam criminalibus, ubi executio sententiae retractari potest; ut, in casu depositionis, condemnatione poenæ pecuniariæ &c. ubi autem executio plenè facta est, non prohibetur condemnatus agere de nullitate sententiae; quia textus expressè loquitur de impugnatione sententiae, donec executioni data sit; dixi super eodem Articulo; nam si fuerint super diversis, non erunt conformes.

Not. autem quod textus in prima parte loquatur de tribus sententijs, quin distinguat, vel addat particulam definitivas; deinde vero in §. Similiter, dicat, nec posse impediri executionem earum, si post tres definitivas dicat, se ante illarum prolationem ab interlocutoria appellasse, & appellationem adhuc pendere. Ex hac observatione quæstio moveri potest, an vi dictæ Clementinæ per eum, qui contra se tres decisiones Rotæ habet, non possit impediri executio earum sic, ut contra illas non possit appellare: dici posset, quod sic, nam Clementina, (ut notavimus) expressè dicit contra tres sententias, indefinite; ergo procedit sive latæ sunt à supremo Judice; sive ab inferiore: sed videtur negandum; quia verbum sententia, simpliciter, & absolute prolatum, supponit solum pro definitiva & ideo quaque; in dubio venit definitiva, ut notat Pereyra in Elucidario n. 1258. unde, sicut appellatione seu voce excommunicatio, simpliciter, & sine addito prolatâ venit solum excommunicatio major; sic appellatione seu voce sententia, simpliciter & sine addito prolatâ, venit sententia definitiva: at decisiones Rotæ non sunt sententiae definitivæ, saltem prius, quam approbentur à summo Pontifice ut attestatio trium Auditorum Rotæ notavimus n. 2581. & seqq. ergo.

Not. 2. Clementinæ cit. locum esse, non tantum in casu, quo tres definitiva conformes latæ sunt contra aliquem in eadem causa; sed etiam tres interlocutoria; quod tamen non videtur sic indefinite accipiendum; sed de interlocutoriis, à quibus appellatur post tres definitivas conformes, ante harum prolationem, ut constat ex textu ibi: similiter, si ille contra, quem tres sententiae definitivæ latæ fuerint, ab interlocutoria, vel gravamine, ante pro-

prolationem ipsarum, vel earum alicujus, se appellasse, & causam appellationis hujusmodi adhuc pendere, proponat; quod deinde extendit ad causas qualitercunque, etiam per appellationem pendentes, ne scilicet praetextu hujus pendentiae impediatur ab executione.

2664. Not. 3. Clementinam solum procedere, de illo, qui contra se tres conformes sententias reportavit; ibi: *is, qui in beneficiari, vel alia quavis causa, tres contra se in petitio, vel possessorio sententias reportavit, ad agendum de nullitate ipsarum, vel alicujus ex eis, nullatenus admittatur;* ubi adverte ly *contra se;* ergo non procedit, ubi tertius intervenit *pro suo interesse;* adeoque a tertio exceptionem interponente, vel contra illas sententias, vel contra earum executionem, hanc impediri posse, in quantum docet de suo præjudicio; sic Covarr. practic. qq. c. 15. à n. 9. quod tamen nota, nisi sententia lata contra unum ex litigantibus etiam noceat tertio, de quo jam egimus superius.

Advertendum 2. ly *ad agendum;* ex hoc enim videtur deduci, quod licet is, contra quem tres sententiae conformes latæ sunt, nullatenus admitti debeat *ad agendum de nullitate ipsarum,* donec illæ plenarie sint executioni datae; non tamen debere extendi ad alias modos impediendi executionem, quibus non intentatur *actio de nullitate illarum,* v.g. via simplicis querelæ, imploratione nobilis officii Judicis, exceptionibus &c.

ARTICULUS V.

De pena Judicis iniquè judicantis.

2665. Jure civili, si judex male judicavit, *litem suam facit,* hoc est, periculo litis se obstringit, ac litem, & damnum partis læsæ in se transfert, ita, ut contra ipsum agi possit actione in factum, ad litis aestimationem; sic Hostiensis in Summa ad Rubric. hujustit. n. 5. sed de hac pena jam egimus supra à n. 175. De jure vero canonico in ejusmodi Judices in c. Cum eterni. i. b. t. in 6. statutum est, ut, si *Judex ordinarius, vel delegatus, in gravamen alterius litigantium partis, aliquid*

contra justitiam & propriam conscientiam egerit, ex favore, aut per fordes (videlicet pecuniâ corruptus) præter alias pœnas per annum ab offici executione suspensus maneat, & ad litis aestimationem parti, quam læsat, condemnandus; quod, si suspensio durante, temerè se divinis ingesserit, irregularitatem, juxta canonicas Sanctiones, contrahat, à qua cum liberare nemo poterit, præter Romanum Pontificem; aliis quoque constitutionibus, quibus judici, malè judicanti, pœnæ infliguntur, in suo vigore permanentibus.

Ex hac decretali deducitur, quod, si *Judex Ecclesiasticus, sive ordinarius, sive delegatus, contra conscientiam, & justitiam, per fordes, vel per gratiam, quicquam facit in judicio in gravamen partis,* est suspensus ab executione officii per annum, & condemnabitur ad aestimationem litis, parti læsa; & si durante suspensiōne se ingerat divinis, sit irregularis, à qua nisi per Papam liberari non potest, & hæc ultra alias pœnas juris, ubi not. 1. quod per fordes *judicare,* dicitur, quando judicat pecuniâ corruptus, ut, post alios, explicant Menoch. de Arbitr. casis 342. n. 18. & plene Decian. in tract. crimin. lib. 8. c. 33. à n. 3. Fatin. in præcept. crimin. p. 3. q. 111. n. 361. ubi subdit quod per fordes judicare dicitur, quando quis adjudicandum movetur, vel ex pretio, seu proximo, vel ex prece, seu gratia, vel ex odio, seu inimicitia, aut ex timore.

Not. 2. hanc constitutionem pœnalem (atque adeo strictè interpretandam) ferrari contra Judicem Ecclesiasticum ordinarium; non autem Secularem; nec Episcopum. Non Secularem; nam textus expositè loquitur de Judice Ecclesiastico, ibi: *caveant Ecclesiastici Judices;* & infra, ibi: *si quis Judex Ecclesiasticus ordinarius, aut etiam delegatus fama sua prodigus, & propriè Prosecutor honoris contra conscientiam, & contra justitiam in gravamen partis alterius, in judicio, quicquam fecerit per gratiam, vel per fordes;* ab executione officii per annum noverit se suspensum, ad aestimationem litis parti, quam læserit nihilominus condemnandus. Non Episcopum, juxta c. Quia 4. de sentent. excommunic. in 6. ubi causum est, quod Episcopi nullam suspensio[n]is,

RER